

宋
詩
拾
遺

宋詩拾遺卷四目錄

富弼 二首

郭稹 二首

李昭玘 三首

郭興 二首

蕭元宗 一首

張徽 一首

江休復 二首

郭遠 一首

章得象 八首

劉景文 一首

周序 一首

吳奎 一首

司馬池 一首

王曾 一首

閻珣 一首

丁寶臣 二首

呂希純 二首

元絳 一首

徐神翁 一首

陳旸 十一首

呂夷簡 四首

薛珩 一首

聞人安道 一首

聞人安壽 一首

聞人惇 一首

錢公輔 一首

姚闢 四首

程戡 一首

潘清逸 一首

曹輔 五首

劉坦齋 一首

王拱辰 二首

范師道 二首

洪亶 一首

馮多祖 一首

李燾 一首

宋詩拾遺卷四

錢塘陳世隆彥高選輯

富弼

題安樂窩

先生自衛客西畿樂道安閒絕世機
再命經筵終不起獨甘窮巷寂無依
貫穿百代常探古冷咏千篇亦造微
珍重相知忽相訪醉和風雨夜深歸

和祖學士寄獻河陽相公

生擁雙旌甫浚郊總戎曾未屬鍵橐
千金募妙方移疾

二府交修敢憚勞處世機牙都不競攝生權
柏急須揀他時病起君恩報始信林泉屬我曹

郭

稹字仲微人天聖二年
進士龍圖閣直學士

朱夢亭侍宴

九重香輦出三月御庭開聖酒鸞杯酌宮花羯鼓催
鶯聲壓歌管山色滿亭臺睿賞歡無極叨陪愧不才

聞延州警

塞日兵前慘城烟戰後無分明千帝紀况乃畔天都
桂玉京師湧金湯廊路孤遲迴思廟筭端坐愧龍圖

李昭玘 字成季 濟北人

觀劉孝綽寫真

程生高價傳兩都劉子骨相真
大夫呼兒當軒試一展
嚶嚶指點相驚呼此應前日坐頭客
何乃不語嚴襟裾
胸中豪氣不可狀但見粉墨無紆餘
虎頭食肉亦天賦
尺面封侯宜不誣須知中今有真相
勿效香山悲故吾
凌烟功臣易磨滅貞觀學士猶傳模
當時人物不易得
曾看風神有此無

觀江都王畫馬

落落名王唐帝孫
筆端飛洒只逡巡
風雲絕足知何在
粉墨餘姿若有神
可信權奇畫龍種
不因膿血失天真
驂騑寂寞龍眠死
更復何人接後塵

觀畫

夢澤正天寒
南峰帶秋色
詩人句不盡
餘意傳粉墨
年來兩眼昏
火燭若侵迫
明窓展橫素
刮膜謝砭石
往時蓬萊宮
圖畫架東壁
拾遺老陰峭
思訓麗春壁
經年一過眼
行繞不暇食
太行逢李生
筆勢妙思索
未成真營丘
不俗已高格
安得十萬錢
盡致驚溪白
不須念衣裘

鑿灰日滋殖寫我江湖心浩蕩滿千尺

郭

輿

字孟高號月江
人官大理寺丞

上杜世昌相公

思淡台端禮數寬不煩鵲笥裏宵寒即看裾珮趨蹌緩
翻識樞衡幹運難劍履光迎鰲禁紫絲綸色炫鳳池丹
好將寅亮酬天貺蚤致身衛五緯安

贈王元之出知黃州

楊花飛雪奈愁何且為湘纍賦九歌芳草不堪春鵲蚤
荒林况復夜猿多風煙經眼憐新隔魑魅窺人喜乍過

日落橫江天柱香雲山寥寂想鳴珂

蕭元宗 字

廬陵人

和祖擇之題袁州東湖盧肇石

石是人非世所傳宜陽城郭古山川和光瓦礫曾無累
委質泥沙積有年地僻久為神物護時來方過使君賢
介然作鎮東湖上德政何當向此鐫

張 徽 字

人官至朝議大夫上柱國

祖龍學擇之曾遊潁州西湖詩以寄之

河勢橫斜帶地形碧油旗旆昔常經驛名來改風塵黑

碑字猶存兩薛青薦福園林僧杳渺
擢芳洲渚妓娉婷
汝南一值賢人降分野於今占德星

江休復字都幾人

送祖擇之赴陝府酌飲贈別次歐陽永叔韻

西掖門外駐征軒
修書院中傾別酒
諸公磊落方具來
顧我衰遲亦何有
祖侯銜使才北歸
亟請甘棠復西走
函閤侯吏齊引領
翰林主人惜分手
高談抵掌華屋頭
賦咏題詩樂難朽
飛觴舉白至無算
擊揖誓清不九
着鞭壯士寧後時
隱几先生曾喪偶
擇之去定國能飲
冬悼亡

動論石山公雅望潛增斗紛紛醉袂影就判悒悵高陽
一狂叟

君實不飲酒栽菊詩以問之

君實不飲酒庭下多栽菊不知黃花開奈此杯中綠凌
晨烟露滋後日風霜促欲表君若心宜種子猷竹

郭遠字先德

春夜宿山家

嶂插清溪靜華門數椽茅屋正黃昏主人醉卧松間石
自繞梨花認月痕

章得象

白蓮寺

聞說新菴號白蓮
五峰環繞布金田
虎溪社共何人結
佛壠燈從幾代傳
嵐色排空長似畫
松枝偃蓋不知年
勞生已作歸休計
願解塵纓結淨緣

延慶寺

碧澗連龍穴
層巒倚括蒼
無時似風雨
繞院盡松篁
路僻人難到
僧閑日自長
勝遊應不負
三度屈雲房

國清寺

松韻蕭騷十里清
人門毛骨冷如冰
題詩已有丹青筆
悟法應多黑白僧
風雨只疑雙澗瀑
星長長認上方燈
來遊不是忘機客
誰到雲峯第一層

桐柏崇道觀

萬仞攀蘿上翠岑
豁然平地九峯心
參差珠樹和雲出
咫尺丹霄有路尋
洞口碧畦長種玉
壇邊古篆欲生金
桑田未變桃先熟
唯見蓬萊水淺深

峽山飛來寺

澄江詰曲峽中天
遠使歸時駐畫船
久別忽經星一紀

暫來纔見月三弦
勞生草草真徒爾
陳迹依依亦愴然
回首越城何處是
山南渺莽只雲煙

放鉢石

石上曾經轉鉢盂
石邊南北路崎嶇
行人見石空嗟嘆
還識西來意也無

南明山

天台四面列如屏
洞穴幽竒地最靈
百尺巖中真像在
千年澗畔古松青
路傍斷石留人跡
壁上題文缺舊銘
我是丹丘仙郡守
暫來遊覽覺魂醒

中子山

步步雲梯徹上層回頭自覺欲飛騰
頻來不是塵中客久住偏宜物外僧
下寺鐘聲沉地底前峯塔影落堦稜
凭欄未盡吟詩興却擬乘閒更一登

劉景文

廣武山

楚漢兵相接乾坤畫亦暝虎爭千里震龍戰四郊腥
故壘從誰問巖祠自昔靈北風吹敗木落葉任飄零

周序

經少陵墓

杜陵詩客墓遙倚北邙巔斷碣居人識高名信史傳猿
聲悲落照樹色翳寒烟惟有文章在輝光夜燭天

吳奎 字長文

送祖擇之赴陝府酌飲贈別次歐陽永叔韻

陝郡太守來告別翰林主人來置酒急喚尋常詩酒伴
要誇此會為難有席間騁辯何快哉恰似縱九臨坂走
詵諧往往笑絕倒同異時時掉手共憐奇偉出塵冥
却欲昏愚浪枯朽從來豪舉必兼包擊節齊侯容九九

我竇鄙鈍不曉事賢公采取寧非偶擇之文行眾所珍
昔日乘槎犯牛斗年將老矣又分符莫遣安排用莊叟

司馬池

行色

冷於陂水淡於秋遠陌初窮到渡頭賴是丹青不能盡

畫成應遣一生愁

王

曾

字孝先青州人試禮部廷對皆第一官
至集賢殿大學士封沂國公謚文正

立春帖子

北陸凝陰盡千門淑氣新年年金殿裏寶字帖宜春

賦得白馬獻金陵牧薛大夫

白馬披絲練一團今朝被絆欲行難
雪中放去惟留迹月下牽來只見鞍
向北長鳴天外遠臨風斜墜耳邊寒
自知毛骨還應異更請王良仔細看

送何水部蒙出牧袁州

雉省榮遷拜命新魚符重佩出關頻
停驂却訪粉榆社戀闕迴瞻柝木津
水薤有誰裨政術江山終日助吟神
一麾嶺外遙相望應合趨庭問狷人

蚤梅

石畔離根取次栽
小園生意覺先來
雪中勿問和羹事
且向百花頭上開

送李寺丞歸臨江

辭榮知退出塵埃
澤國皆推隱逸才
清世不為王事累
白雲重向帝鄉來
僧因好古留茶訣
鷗為忘機戀釣臺
應見酒旗回馬首
遠烟濃澹百花開

閣

詢

字

人官江西運使

祖擇之惠示吏隱宜春郡十詩因成五十六言

奉答

連觀終知世事勞利名都是一鴻毛登瀛自有仙遊樂
緩帶何妨吏隱高深意庇民躋福壽正辭華國聳英髦
將風九萬期鵬奮且傲松軒弄彩毫

丁寶臣

字元珍晉陵人景祐元年進士
終集賢校理尚書司封員外郎

和永叔新晴獨過東山

芳辰百五前選勝到林泉萬樹綠初染羣花紅未然陰
巖猶貯雪暖谷自生煙婦汲溪頭水人耕草際田日中
林影直風靜鳥聲圓健全多情甚尋春最占先

五洩山

在諸
暨縣

路緣蘿萬蔭杉松翠壁丹崖不計重天作錦屏環十里
僧開珠屋面千峰花間越鳥鉤輶語溪外秦人彷彿遙
早晚車騎到林下籃輿暇日待追從

呂希純

字子晉河南人公著
元父官員外郎

元夕

何處元宵好迎鑾冊府西簫聲雲外起扇影日邊低
禁威容肅名流步武齊舜瞳回左顧真欲過金閨
何處元宵好雙林宴坐僧戒圓三五夜心耀百千燈
茅舍門常掩繩林几謾憑世間娛樂事一念不曾興

元絳

普濟寺

亭占青山口郊原四望平遙林連崦黑白水隔田明翠
麥波濤動飛泉劒珮輕長年便野趣擬欲解塵纓

徐神翁

金鰲山

壯礪灘頭一艇橫夕陽多處待潮生與君不負登臨約
同向金鰲背上行

陳旸字

人袁州通判

奉和祖擇之袁州慶豐堂十詠

時豐公事少筆硯任橫斜環郭江山秀人情等物華
有象堦前景無聲膝上琴何勞分鄭衛視聽不關心
窮谷寓形久慙無問俗方文章若刺史謂韓愈今昔竊餘

光

穢草誅還密浮萍去又生輒污如鑑淨有客若為情
秀泉開舊甃初試仰山茶寂寂有餘意池蓮三五花
園涉日成趣窮嬾綴裝梁間冰雪句屈指歲華長
洗竹遙山出流泉到曲池可憐波萬頃龜勉對淪漪

道院今猶古。閑中事可書。鷺鷥馴不去。誰可得親疎。
登堂方再月。已許廢豐年。偶繼前賢跡。承流頗裕然。
鴻鵠遠矚弋。魚鳥脫池籠。始覺一無物。方知萬事空。

和祖擇之咏震山巖彭徵君釣臺

東有徵君真逸居。有臺可釣傍漁磯。志高不在魚吞餌。
回笑滎陽血染衣。

呂夷簡

字坦夫。壽州人。進士及第。官中書門下平章事。封申國公。改封許。卒謚文靖。

江南立春日

仄律何時應。江春昨夜來。細風先動柳。殘雪不藏梅。餘

冷迷清管微和發凍醅開門無客到尊俎為誰開

天華寺

賀家湖上天華寺一一軒窓向水開不用閉門防俗客
愛閒能得幾人來

無題

老讀文書興易閑須知養病不如閒竹床瓦枕虛堂上
卧見江南西後山

無為太監院

飄然吟魄到鼇山好句空留水石間界眼清虛心不息

浮生能有幾時閒

薛珩

瑞雲潭

一派寒潭闕碧虛
閒雲自有卷還舒
夜來數仞祥光起

早去溪頭聽詔書

聞人安道

字彛庚嘉興人
寶元戊寅進士官郎中

題招提院靜照堂

白茅結宇白粼粼
靜照初題梵字新
已向萬緣無斷處
應為一念不生人
風幡漲蕩原非動
水月澄明未是真

宴坐經行惟此地箇中消息與誰親

聞人安壽字

以父建陰國子博士

題靜照堂

名籃小隱愜高情雅攝堂深豁眼明
萬慮平時身可外
一軒安處道初生
花縈寶砌當春盛
香滿金爐入座清
復有高人乘興至
為題佳句遍雕甍

聞人德字

人官主簿

題淨因院

湖海浮家二十年
重來春色尚依然
杏花籬角紅吹霧

柳葉塘腰綠護烟草暖遊人分席地鳩鳴刺火勸農天
覺場獨占三災外試問支郎第幾禪

錢公輔

字君倚武進人皇祐元年進士嘉祐中官明
州太守入直左右史館

寄題翠麓寺呈伯強寺丞

曩時曾作家山遊亭有翠麓排新幽疎軒窗牖竹鏘戛
烈風勁雨松颼颼呀然出戶瞰山足屹然數竿圍上頭
掃除雲峰聳客步煎煮錫水供茶甌我時既合衆賓飲
醉岸山幘心遲留山僧領我馬詩榜詩未脫吻驚旋轉
四方環走倏已晚十載負約今方酬珍藍增葦想勝舊

我已白首縻藩州何當一賦歸去來再款巖室室披搜
吾宗道人正嘉遜擺脫世上無窮憂欣逢主人賢且令
泉石笑傲都相求上人灑掃莫暫閒行行逆我西來舟

姚

闕

字子張金壇人皇祐元年進士歷官項城令

挽老蘇先生

持筆游從已五年忽嗟精魄去茫然茂陵未訪相如藁
宣室曾知賈誼賢薜蘿有歌淒曉月絳紗無主蔽寒煙
平生事業文公誌應試鄉人白玉鐫

羈旅都門十載中轉頭浮宦已成空青衫暫寄文安籍

白杜長留處士風萬里雲山歸故國一帆江月照疎蓬
世間窮達何須校只有聲名是至公

望文脊懷瞿硎先生

文脊山中姓已逃江城爭美少微高應知司馬來窺鼎
便學秦人去種桃海上音書斷鴻雁洞中吟嘯伴猿猱
鹿裘誰識先生志却把虛詞倚伏滔

漣漪洞

石門高陰勢摩天洞底清冷瀉碧漣蘋藻魚遊知暮雨
薜蘿人去鎖寒烟山櫻已熟垂朱實巖竹新抽露玉鞭

只恐遊人歸馬急野僧何惜白雲眠

程 數 字

人仁宗時和益州

送鈴轄館使王公

歸騎翩翩去路賒鬱葱佳氣望天涯
艱危劔閣三千里
惠愛刀州十萬家
龍尾道邊瞻日彩
鹿頭關外別春華
金明危從宸遊處
休憶連年泛浣花

潘清逸

戲贈郭功甫

休恨古人不見我
尤喜江南獨有卿
盡怪阿戎從幼異

人疑太白是前生雲中鸞鳳人間現天上麒麟地下行
詩律暮年誰可敵筆端談笑掃干兵

曹

輔

字子方

人登嘉祐八年乙科官

至朝奉郎守司勳郎中號靜常先生

呈思府龍學祖公擇之

此生飄泊任乾坤南北東西豈更論
萬里欲封防墓土十年重到李膺門
少驚人事時千變盡付羈愁酒一尊
主上思賢厚風俗如公終未老丘園

劉仙岩

石磴仙嵒路登臨莫倦攀
亂泉歸萬壑一目盡千山
障

雨收雲後松風吹莫還道人今不見無處覓元關

遊劉道人岩

故老能將舊事傳仙翁踪跡尚依然方知物外壺中景
隱隱烟霞有洞天

古秦城

海窮山盡尚南征驛肉銷殘只自驚回首長安八千里
此中那得有秦城

同歐陽晦夫邂逅遊風洞

一水羣峯翠若堆洞天終日鼓風雷每懷絕境超然處

却與幽人偶爾來

劉坦齋

陽朔鑑山寺

鑑山最有登臨勝
門巷榮迴知幾重
此日樓頭瞻御墨
何時天上覩飛龍
閼河痛隔魚紋斷
臣子遙申虎拜恭
欲托離騷寫愁思
涉江何處采芙蓉

王拱辰

挽老蘇先生

氣得岷峨秀才推
賈馬優未承宣室
問空有茂陵求玩

易窮三聖論書正九疇欲知歆向學二子繼弓裘

邵堯夫安樂窩

安樂窩中名隱君腹藏經笥富多聞一簾水竹為生計
三徑琴觴混世紛
婉畫舊常辭幕府少微今已應星文
了心便是棲真地何必煙霞卧白雲

范師道

字贊之長洲人仲淹從兄天聖中進士及第官至戶部直龍圖閣知明州

天牛山

萬物天地間或有奇勝迹見賞能幾人不止今與昔吳
門多好山天平為峻極旦暮常白雲表裏皆珍石烟嵐

十里光松桂四時色我因一縱遊煩襟為開釋感古懷
君子翻然長太息樂天賞雲泉詩章何歷歷垂今數百
年繼者漠然寂間遇希文來雙旌守鄉國行春三讓原
吟哦盡所得子美天與才尋幽多采拾賦詩五十言平
地黃金擲三賢固有名山亦資輝赫此去還幾年不逢
好詩客

題隱圃贈蔣希魯

勇退人難事明公識慮長波濤濟舟楫霜雪見松篁林
下開前圃花間撤亞槍二疏良宴會老杜好篇章道向

清來勝機于靜處忘當除印如斗試一較閒忙

洪

亶

字

江西人官郎中

挽李公擇內兄

久歷金門貴未酬黃屋知如聞天祿客抱恨作銘詩

馮多祖

鶴林寺

春郊躬勸相稅駕擬禪關院古深藏竹堂虛靜對山日
曛農父醉雲伴老僧閒暇日還携茗同來滄虎斑

李燾

金山

金山何處好四顧不相連
窻迥前無地波澄下有天
留三楚客門泊五湖船
暝色閑詩思江籠兩岸烟

宋詩拾遺卷五目錄

呂公弼 二首

陳堯咨 一首

陳堯叟 一首

羅誘 一首

郭守文 二首

陳輔 五首

王存 五首

呂諤 一首

李之才 一首

阮逸 一首

杜常 一首

張徵 一首

董淵 一首

薛映 五首

魯交 八首

郭載 一首

傅堯俞 一首

范周一首

張穀 一首

閻詢 一首

謝絳 三首

姚舜諧 一首

黃通 一首

周振 一首

謝景初 五首

蔡準 一首

許

當 二首

張獻民 六首

宋詩拾遺卷五

錢塘陳世隆彥高選輯

呂公弼

字寶臣夷簡仲子初知成都
軍愿拒密使出知外部

琴臺

烟樹重城側琴臺千古餘
早為梁苑客晚向茂陵居
賦給尚書筆歸乘使者車
清風覲舊隱長自聳鄉閭

送桂州張田經略遷祠部

拂雲樓觀壯南城
符竹從來選擇精
地壓坤方諸國重
官遷漢省左曹清
霜嚴塞幕論兵略
春滿農效勸火畊

王佐才高時望洽歸來持橐上蓬瀛

陳堯咨

字嘉謨元佐弟舉進士第一歷官武信軍節度使知河陽卒贈太尉諡康肅

普濟院

在餘姚

山遠峯峯碧林疎葉葉紅凭欄對僧語如在畫圖中

陳堯叟

披雲亭

秦關百二山河固陝服城闔控此中別構棟梁成爽塏
俯觀竹樹立青蔥虛簷豁敞迎朝日曲檻縈回帶晚風
登眺自欣襟帶地萬方轍迹坦然同

羅

誘字

人鄉貢進士官教諭

和祖擇之九日招郡庠職事登宜春臺詩韻

九日經年一再來不妨吏隱遣懷開時豐訟少欣多暇
秋晚花黃儘任催幸遇登高閑燕樂喜容落帽徧追陪
預愁詔入三公去芹泮誰思樂育才

郭守文

字仲昌

人

送王德明樞密之代州

憐君千里別新馬黑貂裘白首辭鄉淚黃雲入塞愁月
明沙磧夜霜落鴈門秋去去燕然上功名曾見收

初春行宮侍宴

青山園遠嶂，流水瀉鳴絃。
游豫王正月，謳歌帝萬年。
草香吹輦路，鳥弄雜宮懸。
霑醉堯尊酒，何由報所天。

陳

輔

字輔之，丹陽人。少負俊才，不事科舉。工詩，與王安石、趙鼎相善。自號南郭子。人稱南郭先生。

湖上有作

平湖共天遠，漫月坐寒光。
乘流溯荃壁，掉舟尋藥房。
佳人折輕荷，隨風來珍香。
顧盼但微笑，眉宇何清揚。
日暮共攜手，遙指煙中湘。

訪楊湖陰，不過因題其門

北山松粉未飄花
白下風輕日脚斜
身似舊時王謝燕
一年一度到君家

按楊居金陵輔每清明上塚即過湖陰之居清談
終日率以為常元豐間頻歲訪之不過乃題此詩
於門楊歸見之吟賞不置嘗稱於荆公公笑曰此
正戲君為尋常百姓耳楊亦大笑

題茅山

積金峯頂作屏遶
寶閣橫空疊彩霞
鶴駕往來茅許宅
龍輶交會郭楊家
洞天有望人如玉
塵世休觀事若麻

我是方臺舊僚友
盡尋歸路種雲茅

下泊宮

咸陽龍虎此飛昇
二弟東山道亦成
不見棠梨司命宅
空餘丹井一泓清

玉蘭

內史北軒多種竹
隱居南洞少栽花
藍橋西路青青處
拾得兒似虎牙

王存
字正仲丹陽人

靜照堂

曾過攜李古禪關十五年來夢想閒聞說新堂增勝槩
又憐遊客變衰顏杏壇即篆消晨篆題墨籠紗記往還
能了一心隨處靜何須辛若遠人寰

登北固山

晚登北固頂俯視南徐城廢壘何茫茫山川迥縱橫千
載竟誰有六朝空戰爭豪氣不可問古墳人正耕

游焦山

連山擁滄江峭絕視茲鮮由來一氣結殊不儼眾巖林
深鳥聲悅境靜人自遠方吾抱幽介對此萬慮遣

過丹陽舊居

漂泊經故園繫舟欵柴扉破屋他人居昔鄰今或非父
老迎我飲祝我晝錦衣我謝父老言朴拙非所祈一官
走塵土實迫寒與飢去鄉未幾載頗覺侶儔稀人事已
可嗟况當白首歸泚泚練塘水綠楊蔭漁磯有田尚可
耕誓將父老依

覆驗餘姚道中

一夫死非命滌驗更而吏一因坐法誅三覆與眾棄去
年交趾敗殺戮無賤貴江淮屢歲青積殍溝壑穢聖人

於赤子愛重若彼至謹小以遺火誰其原帝意

呂 諤字

嘉興人天禧初進士

題閣立本北齋較書圖

由余入秦毀詩書意在兵強黔首愚弊極煨燼幾無餘
高齊風俗元自殊豈料乃喜知卷舒况復是正叢冠裾
公言所貶固不虛我獨謂其勝由余

李之才

字挺之青社人天聖八年進士歷殿中丞澤
州簽判

行次鳳州

去年二月洛城游今日尋春到鳳州欲托雙魚附歸信

嘉陵江水不東流

阮

逸

曾為鎮江軍節度推官

題竹閣

在嚴州能仁寺之南

僧閣依寒竹幽襟聊一開清風曾未足明月可重來曉

意煙垂草秋姿露滴苔佳賓何以竝雲琴與霞盃

杜

常

昭憲皇后族孫第進士歷官工部尚書

過華清宮

行盡江南數十程曉風殘月入華清朝元閣上西風急
都入長楊作雨聲

張

徵

字伯常陳留人寶元二年進士司馬光同年

自然亭

久雨妨漁復滯樵自然亭上一逍遙萬緣不自閑中起
百事惟于睡裏消老老自知如蠟蝶病來誰悟似芭蕉
愛名之世忘名客幸有山林舊市朝

董

淵字

人慶曆間知長樂縣

太常山

在長樂縣其高為群山所宗故名

勢凌籌谷接蒼蒼十二交龍繡作裳虎豹閤中千樹色
鳳凰池上萬花香白雲路隔青雲暮金澗泉通玉澗涼
聖代君臣忻際會安知磐石鎮無疆

薛

映

字景陽蜀人進士又第歷右諫議大夫禮部尚書集賢院學士卒贈右僕射極文恭

清風

爽氣乘秋至涼飈蕩暑初冷冷含遠韻撼撼動輕裾翠
幕波無際修篁韻有餘潛驚塞草綠乍拂井桐疎素髮
悲卽將霜紈感嬾好牕光流熠燿簷影動蟾蜍塵襲青
絲騎香飄紺幃車故宮經駭娑別館度儲胥薄暮來金
埒凌晨上玉除寧同起窮巷賸欲賦愁予

曲水亭

一日流杯亭在下天竺水臺盤

臺盤疏石渠激流環四面夏屋有餘清羽觴隨意轉賓
告醉言歸主稱情未倦雖非楔飲辰豈謝蘭亭讌

戊申年七夕

月放冰輪傍絳河相期寶婺夜經過姮娥不惜宮中桂
乞與天香分外多

碧天如水月如鉤金露盤高玉殿秋青鳥前采報消息
一時西望九天虬

漢殿初呈楚舞時月臺風榭鎮相隨如何牛女佳期夕
又侍鑾輿百子池

魯

交

號三江潼州人仁宗手錄其清夜吟賜天臺山任至虞部員外郎

江樓晴望

江干一雨收霽色染新愁遠水碧千里夕陽紅半樓
笛寒漁浦晚山翠海門秋更待牛津月袁宏欲泛舟

經秦皇墓

祖龍何事苦東巡仙駕歸來塚草新項籍已飛三月火
子嬰猶醉六宮春元來滄海殊無藥却是芒碭暗有人
自古乾坤屬真主驪山山下好霑巾

遊華山張超谷

太華鎖深谷我來真景分有苗皆是藥無石不生雲急
瀑和烟瀉清猿帶雨聞幽棲未忍別峰半日將曛

清夜吟

露華清八極吟上小樓東月色水鋪地雁聲秋滿空明
河欲瀉浪瘦竹自生風坐久心骨爽此懷誰與同

燭

暖煖紅炬雨飄香珠箔沉沉下建章有焰只憑心一寸
無愁虛滴泪千行流蘇帳裏回殘夢白玉臺邊映宿粧
若到蓬山留夜直金蓮應照珮鏘鏘

有寄

思君又是東風起樓倚浮雲目千里芳草不知人斷腸
帶烟帶雨連春水

經戰地

西邊用兵地黯慘無人耕戰士報國死塞草迎春生沙
飛賊風起畫黑陣雲橫夜半烽臺望旄頭星尚明
一作未持
天下第何
以掃挽槍

大雪

萬象曉一色皓然天地中楚山雲母障漢殿水精宮遠

近梅花信高低柳絮風吟魂清不徹和月下晴空

郭載字厚之人成都知府

錦江遣興

雲水微茫爽氣浮錦江如帶可憐秋
灤迴霧殺時迷鴈
瀲灩霞光不見鷗晴雨一川皆好景
烟花三月總牽愁
風波滿地乾坤濶吟望長安垂白頭

傅堯俞

字欽之
郾州人

讀書

吾屋雖喧卑頗不甚蕪穢置席屋中間坐臥羣書內橫

風吹急雨入屋灑我背展卷殊未知心與古人會有客
自外來笑我苦癡昧何致雨侵衣屢問我不對必欲窮
所因起答客亦退聊復得此心霑濕寧足悔一作異

范

周

字無外文正公從孫純古子不來
開達人號其隱居曰范家園亭

訪郊子高因登崑山絕頂醉題

萬疊青巒壓巨崑四垂空濶水天分夜光寒帶三江月
春色陰連百里雲桂子鵲驚空半落天香僧出定中聞
不將此境憑張孟三百年來屬老文

張

穀

字伯玉
臨穎人

寄嘉興守令孤挺

羨君席上碧雲句吟盡江南烟雨村豈惜笙歌連夜醉
且看風物逐春新花開花落何時盡閒是閒非愁殺人
何似陽臺雲畔曲細聲拂拂下梁塵

閻

詢字議道鳳翔人官提舉

題靜照堂

浙右僧居盛虛堂葺有功迷來隨萬化淨後照三空夜
永松軒月秋深竹岬風我心閒已久夢到水鄉中

謝

絳字希深先陽夏人徙杭之富陽初以陰仕俊登進士累除知制誥判吏部

小隱園詩

并序

余近營別墅於小隱巖忽憶癸酉冬奉詔送使於
陳橋驛夢中偶賦及寤寫在牘背今因巖名知所賦
三言前契矣遂足為八句

僕本塵外士功名若毫末因尋小園隱忽見羣芳發昔
夢宛可記靈契方茲達會須掛朝纓歸弄巖前月

雙松亭

築居喜物外披經窮木末層阜繞襟帶澄江見毫髮芬
芬山窰熟汨汨春泉活林梢閃楨星石罅熱御月坐長

百慮寂望遠孤興發何必較萬殊吾自師吾達

答梅聖俞問隱

聖俞一紙書問我小隱居小隱詎有異築室數畝餘巖
壑不峻崕田園非美腴所欲近上墓歲時來掃除先人
夢讀史遵道本聖徒絕筆於此詩子孫毋忽諸刻石置
中堂且使過者趨題榜為服訓義取銘盤孟後嶺雙松
亭徑術何逶迤下臨富春渚萬象生有無東偏作草舍
可以施槃壺門前碧塘水萬本栽荷葉風來觸香氣長
著人衣裾溪水汲汲流黍稻可勿枯桑桑及美果種廣

莫記株澗草不識名野禽多異呼坐此易歲晏漸與人
世疎在昔東陵侯灰壠猶親鋤楊惲謝九列種豆南山
隅余嘗考槃賦從我者誰歟近來傳越有趣尚若不殊
倘聞丘壑往不顧升斗儲如君美材具日月升雲衢安
敢預招挽粗自陳其愚

姚舜諧

能仁寺

面勢崔嵬插斗牛東分一掖鎮丹丘玉毫金相祖師會
寶帙琅函海藏流蒼檜茂林常蔭映白蓮香社共熏修

紅塵斷處人難到俗駕經年始此遊

黃通

遊麻姑山贈李泰伯陳仲父先輩

麻姑山真斗牛角形勢擁斷東南隅五百年來蓄英氣
特為吾宋生真儒李姓覲名泰伯字風骨古秀飄髯鬚
其人于世少似者無乃稷契荀孟徒自傷出處苦竒剝
不得才祿遮妻孥歸來築室郡北郭反關唯作文字娛
先生之門足高第中間仲父有輩無曾繼先生列科舉
簡編滿載三十車先生不遇子亦退高文懿行夸江湖

麻源谷口田數頃歲計取足無贏餘生涯俯就隱意決
便弃城邑廬郊墟上有慈親享甘旨下有子弟森庭除
平生胸臆渺溟渤惟學虞卿窮著書平生志氣薄雲漢
惟學子陵閑釣魚每當春秋社時候萬象瀟洒神仙居
岩花野卉香几席溪風谷靄清襟裾先生乘興或往還
殺雞炊黍開尊壺共談今古正經史不知口角清涎濡
名教果有如是樂彥輔之言誠豈誣蓮社竹谿託高逸
究竟未免歸狂愚爭如仲父與秦伯相樂以道情愉愉
文酒逢迎二十載一日不見已為疎松門大開俗不道

水雲軒檻空清虛仰愛二友嗟不與欲別仙墅猶踟躕

周振

護國寺

碧雲紅樹萬山秋躡磴攀蘿徑轉幽斜日荒荒岩際下
細泉淺淺寺前流蕭梁賜額名猶在石塔藏碑字尚留
千載廢興真夢幻清燈夜雨思悠悠

謝景初

字師厚絳子慶曆六年進士官大理評
士出知餘姚遷益州路以七田郎致仕

觀餘姚海氛

海上風與雨未朕先氣升澤鹵雜山雲蒼鬱相薰蒸交

語面已障安辨丘與陵衣濡帶草緩臭腥殊可憎自非
昌其陽疾癘得以乘君子却陰邪何必醫師能

餘姚董役海堤有作

五行交相陵海水不潤下處處壞堤防白浪大于馬顧
予為其長恐懼敢暫捨董眾完築塞跋履率曠野使人
安于生茲不羞民社調和陰與陽自有任責者

法喜堂

虛堂庇風雨結構不務壯外飾無髣髴置物况容長開
篋藥劑靈拈甚白黑抗階花澹亦天庭石碧交向出門

鳥雀喧燕處物我喪吳俗
夸有素佛徒侶相尚獨能守
質靜坐以矯流宕棲之果自喜何須山海上

石谷亭飛瀑

落泉下峭壁陡絕千萬丈
濺急雪片飛望若匹練廣曲
嶺隔青林三里已聞響其傍
有巨石平潤可俯仰愚俗
所不道我輩數來賞須期秋
色清攀蘿將爾上

遊上林湖諸山

山水有奇秀何必耳目親
茲地世未知偶遊良可珍
平湖瞰其中翠巘圍四垠
青松千萬植落瀑如縣巾
佛廟

聳殿塔裝點繪畫新清谿與斷崖水石聲
輶輶峰巔見滄海日出常先晨花草時節
異寧問秋夏春陵谷十萬古豈無稱道人
德微言不信又恐遠故湮尊酒且落我
醉來事事均

許

當

字當時人
慶曆古田令

桃溪

在古田縣
黃蘗山

桃溪一何清想像武陵水所愛春風時灼灼花數里
漁艇日來去無人識歸止安知歷幽源不遇神仙子
金園敞山阿翛然隔城市晨夕鐘梵音颯沓五雲際
空

山無盡香大。乘有真諦。簿領得餘閒。徒倚青蓮地。

張獻民字

人曾為宣城主簿

題山門寄梅聖俞

灰徑纔通文脊隈。山腰大闕門崔嵬。若非天地功破裂。
定是鬼神力鑿開。渾渾旁撐蒼壁立。空空直貫清風來。
祇應便徹仙源去。願躡飛雲到玉臺。

朝陽洞

撇衣秉火捫石入。路硬磽确黑如漆。窮身

二字中有誤不見

瞿硎生洞中。依舊石藏室。

連漪洞

洞流何處窟穴斷泉向洞中源源生潺潺萬古流不盡
夜夜空照山月明

碧雲洞

一竇險若到平處裂壁忽見天共明水深不敢投石響
潭中惟恐神龍驚

紫雲巖

朝見紫雲生霏霏暮見紫雲歸戢戢有時飛鸞舞上下
料是仙人潛出入

夕陽巖

屹崒欲到倚山脚
涵雲洩雨摩半空
向晚呀然射頰照
疊石爛爛參差紅

蔡準

來賢岩

在大滌洞秀峯之前東坡倅抗同
準等七人來遊賦詩故名來賢

大滌洞沉沉天柱峯
葉葉人世悲落花
岩松無易葉朝
夕樵風生雲鶴閑
情愜何當采玉芝
仙踪從此躡

宋詩拾遺卷六目錄

豐稷二首

李常一首

李彥一首

郊宣二首

謝白初一首

沈遜一首

徐元用一首

葉宗響一首

呂公著一首

蔣槩一首

李大臨三首

崔頤六首

洪朋三首

洪芻四首

徐徽一首

何執中二首

車謹一首

曹安二首

鮮于侁一首

許彥國三首

李廸一首

何中一首

宋咸一首

苗時中一首

况志寧 三首

李時亮 一首

葛

閔 二首

蕭介夫 一首

滕元發 一首

龔

程 一首

周述 四首

張叔夜 二首

宋詩拾遺卷六

錢塘陳世隆彥高選輯

豐

稷字相之鄆人登嘉祐四年進士歷官工部尚書兼侍讀以樞密學士出守越卒諡清敏

咏蓮

桃杏二三月此花泥滓中人心正畏暑水面獨搖風淨
剎如金涌嘉賓照幕紅誰歌採菱曲身在曉霞東

天和堂

朱樸隱居處

路左將先饋門前屨幾重勇歸塵事擲恬處道心濃弄
水如幽谷觀雲想妙峯夜深孤鶴唳清露高松

李

常

字公澤南昌人皇祐
中進士官太守

靜照堂

藻戶面通漕飛甍出重城堂成未遑息復作千里行塵
埃袖短褐蒙暑踏寒冰其求異求食志欲詩篇盈寧辭
聞吏慢聊為一堂榮都城競名利日出車馬聲詩云方
外士奔走亦有營惟靜制衆動自照中乃明胡為撓山
水風急恍更輕歲闌歸勿緩恐負新堂名

李

彥

蒙亭詩和韻

桂江繚繞通湖湘佳山四挿江之旁嵐光滴翠漾波光
岸頭秀木皆青蒼誰人築室枕西塘新荷敲風柄柄香
君嘗招我來携觴登臨樂臆生清涼倏思伏波離空牀
且及尊前飲興長紛劇雄辯聲何琅客傳俗事江亭忙
蠻歌蜒曲笑遐方應無怪夢楚襄王但驚歲月去茫茫
報國宜多為畫良功名未白何時忘此心疇敢憶家鄉

郊

賈

字正夫太倉人嘉祐二年進士
歷知温州召為比部郎中

失鶴

久銷冲天質金籠忽自開無心戀池沼有意出塵埃鼓

翼離幽砌凌雲上紫臺應陪鸞鳳侶仙島共徘徊

遣兒僑就學于王介甫以詩為贄

十里松陰蔣子山暮烟收盡梵宮寬夜深更向紫微宿
坐久始知凡骨寒一派石泉流沆瀣數庭霜竹顛琅玕
大鵬况有搏風便還許鷗鷁附羽翰

謝伯初

字景山絳子

走筆寄夷陵歐陽永叔

舟行無險似瞿塘滿峽猿聲斷旅腸萬里更堪人謫宦
經年應合鬢成霜長官山色江波綠學士文章蜀錦張

去似長沙非黜辱比於連郡亦遐荒

韓退之以言事初貶連州全

可

能作賦嘲巫渚好為投文弟耒陽

杜子美下耒陽路經巫峽

下國難

留金馬客新詩傳與竹枝娘才如夢得多為累情甚安
仁久悼亡絕境化成儒雅俗遠民爭識校讐郎典詞懸
待修青史諫草當來露阜囊不用臨流羨漁者便將纓
足濯滄浪

許昌公字書懷呈歐陽永叔韓子華王介甫

十年趨競浪求營因得閑曹減宦情
亂種黃花看野景
旋移高竹聽秋聲
驅馳賤事猶千祿
約勒清狂為近名

早晚持竿釣鱸鯪雙溪烟雨一角橫

沈遜

和同年祖擇之韻

按無擇原倡題為途次金陵逢同年沈五判官是沈時為

郡判也

一自曾驚別於今歎索居善交思柳惠多病是相如官
下頻無况天涯每得書舊懷長惋歎此會合躊躇曉露
生蘭苑秋風動鱸魚蕭然林野性與世轉為疎

徐元用

約東坡遊金山

黯淡灘頭一艇橫
夕陽西下大江平
與君不負平生約
同向金鼇背上行

按此詩有為仙人徐神翁與高宗者
首句作牡礪灘頭一艇橫

葉宗嚮

蒙亭詩和張洵韻

我行幾許踰沅湘
直抵八桂灘水旁
千山倒影搖溪光
秀色不借草木蒼
茲亭構勝俯回塘
野花風遞羅綺香
崑前伏波航羽觴
一洗塵思生清涼
疑有仙人白玉牀

壺中景迫日月長步此仙籟音琅琅世間名利真毫芒
此景不獨冠南方恨不築室輕侯王回首塵跡空渺茫
瞥去未必計非良其如尊酒情難忘恍然一夢五雲鄉

呂公著

分題得癭木壺

天地產眾材任材謂之智棟桷與楹枅小大無有異方
者以矩度圓者中規制嗟爾木之癭何異肉有贅生成
擁腫安賦象難取類槩括所不施鉤繩為爾廢大匠睨
而往惻然乃有意孰非造化功而終朽不器剗剔虛其

中朱漆為之偽鄭漿挹酒醴施用惟其利犧象非不珍
金罍豈不貴設之於楹階十目肯注视幸因左右容反
見謂奇異人之於才性天豈遠於是性雖有不善在教
之揉勵才亡不可用由上所措置飾陋就其長皆得為
良士執一以廢百眾功何由備是惟聖人心能通天下
志

蔣

槩

字康叔江西龍泉人
皇祐進士

登權州北門

壯士

地方未醉志乘秋感慨多
幽燕新種落秦

一作唐

漢舊山

河塞月沈青塚邊聲起白波如何得高騎玉壘夜經過

李大臨

字才元成都人官待制

靜照堂

地勝堂新構僧閑畫杜門山林誰樂靜城市亦非喧客
到空彈指風來不動幡祇應長宴坐對境一無言

西園辨蘭亭和韻

沙石香叢葉葉青却因聲誤得蟬名騷人佩處惟荆渚
識者知來徧蜀城消得作亭滋九畹便當入室異羣英
非逢至鑒分明說洎没人間過此生

謁濂溪周虞部

簾山翠藹逼廬山門掩寒流盡日閑
我亦忘機澹榮利喜君高躅到松間

崔鵬字德符

江月圖

冥冥一葉輕不知水與天獨于顚氣中
仰見素壁圓超然狂道士起視清夜闌
自拈白玉笛吹此江月寒想當萬籟息
逸響流空烟我從江海來形留意先還
何當買漁篷追此水墨仙

早秋雨霽圖

我離蜀山來赤日走東州奇峰作眼想一過神已留
翩跹采公子新詩藹風流丹青見新韻瀟灑出林上依微
萬里送曠朗一雨收高雲杳塞開縞日明素秋風居映
山青眇眇行李幽得非送將歸色有離別憂念我山海
僻鍼砭不為瘳日看孤鴻飛心已麋鹿遊吾兒能扶犁
此憤便可投勿言尺寸許是中有菟裘

觀黃筌畫花

蒼頭白髮我雖陳見了青紅幾度新更向黃生毫末裏

全家看盡劍南春

淺淺紅顏與白腮
卧枝斜葉抱新開
何人與作春風面
詎得蜂兒日日來

和老人觀牧圖

作官畏人嘲胡孫
騎牧牛却離大江水
還家整歸舟還
家此計不可移
此樂勿令兒輩知行
歌帶索拾遺穗耳
靜不復聞征輦
功名亦妄爾
吾生去此將安之
趁此青
草長自牧牛與羊
不減九十頭
何啻三百強
沙平水淺
南山下十角萬蹄
如此畫牛腰吹笛
遡秋風不問人間

雙鑠翁

和九日詩

折街頭未易著清香把取蕭蕭滿把黃歸去乞錢煩里社

買糕沽酒作重陽

洪

朋字龜父
豫章人

春風

春風吹桃李欵然滿中園羣動不遑息胡蝶紛飛翻我
亦感茲時步屨遶林間顏色豈不好持久良獨難置酒
休其下聊復罄餘歡君看桃與李成蹊亦無言

廬山

山瀑布道瀉木葉四時春日暝不知去魚鳥會留人

晚登秋屏閣示杜氏兄弟

病人湯熨暫時停
謾向秋屏臺上行
白日忽隨飛鳥去
青山斷處落霞明
林間嚶嚶寒蟬急
江上悠悠烟艇橫
富貴功名付公等
嗟予老矣負平生

洪 易

石耳峯

朝踏紅塵暮宿雲
往來馬馬漫紛紛
候溪橋下潺湲水

惟有峰頭石耳聞

寄題雲巢

雲巢一上十五里中有今世巢居子雞鳴犬吠百餘里
不知天際去此幾平生深契鳥窠禪剪茅蓋頭萬事已
宴坐經行飛鳥上人間榮辱不到耳蝸牛兩角竟何為
鷓鴣一枝端自喜我有一廬落城市章服裘袒聊復爾
武陵未訪桃花源修江倘問桃花水曾取櫻桃洞前路
藜杖扶衰自此始

芍藥

蠶老桑柔戴勝鳴翻階芍藥占春榮
牽風孫壽愁眉破帶雨驪姬淚眼橫

荔枝

光射腰金陵寶印影回殿砌拂綺蘭
硃砂芒刺羞紅顙龍目圓圓避赤丸

徐

徽字仲先人嘉祐四年進士歷官提舉
利州改常平抗疏致仕居獨山號獨山翁

金獅潭渡

金獅潭上水悠悠兩岸垂楊客舍秋
十里清江民物阜錦帆直到石梁頭

何執中

字伯通龍泉
人官太宰

題壽師塔南軒

焚修六七齡內外已圓成教相論因果冥心契死生
紙寬應自白花砌本無情燕坐觀浮世誰非走利名

巾子山

曲檻小欄干登臨咫尺間望隨流水遠高共白雲閒
亭栢僧歸路江楓客渡灣覺來生羽翼疑是甕中還

車

謹

馬家山

山頭紅日生山下螭蛙爭朝市誰能問烟雲我自耕胡
麻調紫蕨黃獨煮香抗無意隨園綺逃名更得名

曹安

杜貴墓

東出共城門古墓何累累就中如夏屋下馬讀銘碑始
知太尉名富擅政和詩詎中邑境中倉皇來赤眉敢勇
率弟子肆殺力弗支編氓賴保全迄今令名垂潺潺百
泉流日夕聲猶悲

王柱峯

青山有石柱直插浮雲杪月明鶴飛來渾疑舊華表

鮮于侁

遊金山

蓬萊三神山橫絕巨鰲背鰲傾海水動一峯失所在飛
來大江中盤礴幾千載化為金山居龍象錯朱貝風昔
愛山水江湖不暫忘君前或剖竹袍繫古維揚隱然絕
勝地旦旦遙相望不意二君子招携一葦航高攀躡雲
梯潤視瞰溟漲潮來隱天地萬里捲白浪波清雲漢淨
澄徹迷下上更深月正中山影杳無象蛟鼉四面穴形

勢三洲壯融結既難窮丹青殊莫狀蘇侯韻高遠邵子
雅趨尚奇觀極無邊幽等端未放浮生閱流水清晨造
方丈畢景趣言歸侵星搖雨漿

許彥國 字表臣青社人

秋雨歌

霖雨不出動隅旬門外秋草長于人江湖浩蕩欲無岸
錦石最小猶生雲微陽片月何曾見只有莓苔昏筆硯
田家禾穗未暇悲茅屋且為螢火飛

紫騮馬

黃萬金絡頭玉為腹蜀錦障泥亂雲葉花間顧影驕不行
萬里龍駒空汗血露牀秋粟飽不飽青芻首霜無顏色
君不見東郊瘦馬百戰場天寒日暮烏啄瘡

晚宿江漲橋

鳥徑青山外人家苦竹邊江城懸夜鎖魚市散空船岸
涵靜寒秋月林昏宿火烟又尋僧榻卧夜冷欲無眠

李

迪

字復古郢城人舉進士第一累官資
政殿大學士辛贈司空侍中謚文定

題河陽後城平高閣

南指嵩高北太行大河中出貫靈長君王不恃金湯險

自有仁恩結萬方

何中

寓豫章作

城南無樹識神仙
閒往閒來四十年
西岸青山東岸塔
為誰相對老秋烟

宋

咸

字貫之建陽人
天聖二年進士

陽朔山

獨起獨高雄入漢
相耀相映翠成堆
若非羣玉崑西至
即是三峯海上來
疑有洞天通日月
絕無樵路到塵埃

如何得似巨靈手
臂向天家對鳳臺

苗時中

題曾公岩

紅旆尋幽東郭傍
泉岩新得冠殊方
一川氣象天開作
萬古荆榛地蔽藏
崖穴乍驚堂室闢
榜名知與日星長
異時人指溪橋水
思愛還同召伯棠

况志寧

豫章臺

城陰零落豫章臺
平地晴沙捲雪來
欲訪鄰翁問塵跡

小園荒徑長莓苔

天寶洞

風雨池邊古木寒
千年枸杞當晨餐
巖前石壁誰局鎖
歲歲秋風長蕙蘭

梅仙壇

上疏歸來事可嘆
嶺頭誰為築星壇
先生不食炎劉祿
自拾松花當晚餐

李時亮

字嘉祐
博白人
中舉進士

蟠龍山

獨卧粵南天盡頭吐吞清氣壓林丘風雲上下三千丈
霧雨西南十六州古澗有泉穿石冷陰崖無暑滿山秋
我來結構山亭下時復憑欄看未休

葛 閣

桐柏觀二首

昔年書洞石臺有伯陽經碧海船多卻金霞夜不扃爐
成九轉藥階布六符星捷徑非君意深遊不死庭
桃花爛熳春溪煖紫玉簫沉月樹昏未覺臺中光景晚
人間歸去見來孫

蕭介夫 字純臣太和人英宗朝官萍鄉簿

將進酒歌

勸君莫累黑山土累得黑山竟何補
勸君莫勒燕然石勒得燕然又何益
百年歲月能幾何螢燭光中都瞬息
我今安得萬丈梯騰騰直上天街墀
剪折金烏翅截下玉兔蹄使玉兔不
能走金烏不得飛然後舉泰山為肉
林東海為酒池君不見吳王臺下秋
風悲金谷園中春草衰不如相逢且
飲酒齊聲拍掌大唱金縷衣

滕元發

字達道東陽人嘗為文正公館客神宗朝拜翰林學士後改知揚州卒謚章敏

寄越州范希文太守

時元發
守吳興

江山千里接仁風
都在江南秀氣中
為問玉皇香案吏
蓬萊何似水晶宮

龔

程字信民吳人熙寧六年進士第歷桐廬令

偶題

月度疎櫺起更慵
坐聽澄照五更鐘
却思湖上西興急
風送山前萬箇松

周

述

字太常卿

遂昌人熙寧癸丑余中榜進士曾官

屏山草堂四詠

鷺州釣月

維揚喬木翰林家底事投閒釣驚沙真隱每嫌勞物色
煙波深處足生涯

天馬樵雲

封事何如樂採薪峻嶒石磴步堪馴深林不識日昏曉
一任山隈卧白雲

吳臯東作

天設名區擁翠屏草堂風度曉鷄聲年來不作繁華夢
飯犢却原學耦耕

月崑夜讀

歸來築室月山傍
星斗長懸午夜光
清白流芳無別業
詩書推滿竹方狀

張叔夜

字耆仲開封人以廕補官賜進士出身知海青二州歷簽樞密院事靖康殉難諡忠文

寄題靖安呂延平釣臺

豫章富人物歷數煩倭指
先生釣璜孫盛德邈相似
却顧徐洪輩瑣瑣詎足記
修竹照清漪邂逅聊復爾
吾君倘邁周文未省獵渭水
矧此江之湄相距數千里
會遇偶有時必為蒼生起

岐王宮侍見出家為比丘尼

六尺輕羅染翅塵金蓮步穩襯絢帟從今不入襄王夢
剪盡巫山一朵雲